



Broj:05-05-30982/17 III MG
Sarajevo,01.12.2017.godine

SKUPŠTINA KANTONA SARAJEVO
- OVDJE -
n/r prof. Ana Babić, predsjedateljica

PREDMET: Dostava odgovora na zastupničko pitanje – zastupnik Dževad Rađo

Zastupnik Dževad Rađo na 34. sjednici Skupštine Kantona Sarajevo održanoj 31.10.2017.godine u okviru tačke Dnevnog reda „Zastupnička pitanja, inicijative i odgovori“, postavio je zastupničko pitanje:

„S obzirom da sam nezvanično upoznat da je iskop od strane Tužilaštva BiH na sanitarnoj deponiji ekspresno saniran nakon protesta građana postavljam slijedeće pitanje: Ko je ili koja je institucija dala tehničko rješenje sanacije, te da li je prilikom iskopa došlo do oštećenja drenažnog sloja ili geomembrane deponije? Istovremeno pitam da li je uređaj za prečišćavanje voda u funkciji ili ne, te ako nije od kada nije, i na koji način se sada eliminišu oborinske, procjedne ili podzemne vode? Također pitam ko je uradio projekat uređaja i ko je vršio nadzor?“

ODGOVOR:

Ministarstvo prostornog uređenja, građenja i zaštite okoliša je odgovor na zastupničko pitanje zatražilo od Zavoda za izgradnju Kantona Sarajevo, koji u kontinuitetu obavlja poslove izgradnje Sanitarne deponije „Smiljevići“, u skladu sa nadležnostima iz Zakona o organizaciji i djelokrugu organa uprave i upravnih organizacija u Kantonu Sarajevo, koji propisuje da Zavod vrši stručne i druge poslove u ime i za račun Kantona, kao i ranijem Zaključku Vlade Kantona Sarajevo broj 02-012-130/97 od 21.11.1997.godine, te poslove izgradnje RCUO, u skladu sa Sporazumom o saradnji na implementaciji aktivnosti u okviru Regionalnog centra za upravljanje otpadom Smiljevići, broj 05-14-16713/17, zaključenim između Ministarstva i Zavoda 29.05.2017.godine.

Zavod za izgradnju Kantona Sarajevo je pripremio odgovor na zastupničko pitanje, koji dostavljamo u prilogu.

S poštovanjem,

MINISTAR

Čedomir Lukić,dipl.ing.arh.






9332
10RG
1302

KANTON SARAJEVO
ZAVOD ZA IZGRADNJU KANTONA
SARAJEVO

CANTON SARAJEVO
CANTON DEVELOPMENT INSTITUTE
SARAJEVO

Broj:03 – 033 –4044/2017
Datum: 27.11.2017. godine



Bosna i Hercegovina
Federacija Bosne i Hercegovine
KANTON SARAJEVO

27-11-2017

PRIPIS	27-11-2017
Organizacija	05 49 148-186

OG/GDA KIZUAVAC
28.11.2017.
C [Redacted]

KANTON SARAJEVO
MINISTARSTVO PROSTORNOG UREĐENJA,
GRAĐENJA I ZAŠTITE OKOLIŠA
n/r Ministra Čedomir Lukić
Reisa Džemaludina Čauševića 1
71000 Sarajevo

Prima:

Predmet: Odgovor na zastupničko pitanje zastupnika
Dževada Rađe

Poštovani,

Na osnovu Vašeg dopisa/zahtjeva br. 05 – 49 – 148 – 186/2017 III MG od 20.11.2017 godine dostavljamo Vam sljedeće informacije :

1. Pitanje: Šta je sa čelom deponije što se na njemu ne radi?

Odgovor:

U toku 2014. i 2015. godine Tužilaštvo BiH je u čeonom dijelu tijela deponije obavljalo iskope u svrhu istrage o nestalim osobama.

Prilikom izvođenja ovih radova došlo je do potpunog uništenja građevinske konstrukcije objekta kao i kompletnog sistema za odplinjavanje tijela na tom dijelu deponije.

Nakon završenih istraživanja, objekat nije vraćen u prvobitno stanje. Od Zavoda za izgradnju KS zatražen je prijedlog rješenja, te predmjer i predračun radova za sanaciju i rekonstrukciju čeonog dijela deponije što je i dostavljeno Minsitarstvu prostornog uređenja, građenja i zaštite okoliša krajem 2016.godine. Procjena troškova sanacije je iznosila cca.650.000 KM. Planom i programom aktivnost na sanaciji deoponije u sklopu RCUO Smiljevići 2016.-2021., predviđena sredstva se potražuju od 2016. godine, od Tužilaštva BiH, ali do realizacije i obezbjeđenja sredstava nije došlo do danas.

Ministar prostornog uređenja i premijer Vlade Kantona Sarajevo su u više navrata intervenisali kod Tužilaštva BiH u smislu da se obezbjede sredstva, a ponovo je isti problem u Planu i programu radova na sanaciji deponije za 2018.godinu i plan budžeta.

2. Pitanje:Šta je sa postrojenjem što ne radi?

Odgovor:





Za tretman procjednih voda sa sarajevske deponije bio je izabran MBR sistem sa uronjenim membranama, za nivo sekundarnog prečišćavanja (uklanjanje organskog zagađenja). Projektan/izvođač su bili GP Put SA i SFC Austrija, nadzor ZIK Kantona Sarajevo, a od Vlade KS je bio formiran i tim stručnjaka za praćenje i realizaciju.

Unatoč velikim nastojanjima da se rad uređaja od prvog puštanja u probni pogon 2008. održi u kontinuitetu, zbog problema koji su uočeni još u toj fazi, pa do daljih problema u pogonu postrojenja i niza tehničkih kvarova, postrojenje je prestalo sa radom krajem 2011. godine.

Postrojenje za tretman procjednih voda sa sarajevskog odlagališta kućnoga otpada trenutno nije u funkciji, a Planom i programom sanacije deponije u sklopu RCUO Smiljevići 2016.-2021. predviđen je niz aktivnosti na rekonstrukciji i ponovnom puštanju u pogon uređaja za prečišćavanje procjednih voda.

Mora se istaknuti složenost ovakvog postrojenja, kao i sve specifičnosti koje su vezane sa sastav i količine procjednih voda na sarajevskoj deponiji. Rekonstrukcija postrojenja zahtjeva i ispunjenje određenih preduvjeta i razmatranje niza tehničkih problema vezanih za definisanje recipijenta, sastava i količina procjednih voda kao i izbora adekvatne tehnologije.

Za primjer, navode se samo neke od najznačajnijih tehničko –tehnoloških pitanja/činjenica: površina deponije koja učestvuje u stvaranju procjednih voda iznosi 64ha, samim tim se problem količina voda svodi na 500m³/dan, umjesto npr. 30m³/dan za slučaj deponija koja imaju zatvorenu površinu koju ne koriste, zatim tu je postojanje podzemnih izvora, starost deponije, debljina i nehomogenost vrsta i količina otpada, odlaganje vrlo velikih količina otpada koje ne bi trebale završavati na sanitarnoj deponiji i dr.

Sve nabrojano dovodi do složenosti izbora adekvatne tehnologije, a ujedno se trebaju analizirati investicioni, ali i pogonski troškovi koje operater, Kanton Sarajevo i njegovi stanovnici sutra mogu prihvatiti.

Prema Planu i programu sanacije 2016-2021. predviđen je jednogodišnji monitoring kvaliteta i količina procjednih voda (tri izvora onečišćanja, u odnosu na zone i dubine odloženog otpada, kao i na drenažni sistem kojim se procjedne vode prikupljaju). Sredstva su već obezbjeđena i neka od pojedinačnih uzorkovanja i analiza su započeti u toku 2017.godine. Početak godišnjeg monitoringa se očekuje u januaru 2018.godine. Na osnovu tih rezultata biće obezbjeđena relevantna baza podataka, na osnovu koje će se moći dalje izvršiti tehničko-tehnološki odabir i rekonstrukcija postrojenja.

Ujedno se razmatraju i opcije pokrivanja dijelova deponije za koje se utvrdilo da zbog visine otpada i stabilnosti se više ne može vršiti odlaganje otpada. U tu svrhu su u toku 2016. i 2017. izrađeni Elaborati i stabilnosti deponije, sa prijedlogom pokrivanja.

Još jedan, možda i najbitniji problem vezan za rad postrojenja se mora istaći ovom prilikom. To je problem neizgrađenog sistema kanalizacije naselja Zabrdje, tako da recipijent tretiranih procjednih voda ostaje za sada Lepenički potok koji sad sam predstavlja jedan otvoreni kanalizacioni kolektor te je neophodno pristupiti što hitnije izgradnji sistema odvodnje otpadnih voda ovog naselja i tretiranih procjednih voda sa deponije.

Za priključak tretiranih procjednih voda na lokaciji deponije potrebno je obezbijediti kanalizacioni kolektor koji još nije izgrađen.





Sarajevsko odlagalište kućnoga otpada ima upotrebnu dozvolu za svoj rad ali samo za kućni otpad, dakle za kućni otpad koji građani odlože u kontejner.

Sve vrste posebnog otpada, animalni i klaonički otpad, medicinski otpad, kabasti otpad, električni i elektronički otpad i dr., dakle mnogo toga što se u Kantonu Sarajevo proizvede kao otpad završava na sanitarnoj deponiji, a to je jednostavno neodrživo i oprečno od namjene i upotrebne dozvole sanitarne deponije.

Zato smo mišljenja da se oko problema sarajevske deponije, pa posljedično i postrojenja za tretman procjednih voda deponije, moraju uključiti sve relevantne institucije Kantona Sarajevo, opštine, građani jer sarajevska deponija u sklopu RCUO Smiljevići je kapitalni projekat Kantona Sarajevo još od 1962 godine. Neophodno je prisupiti izgradnji i obezbjeđenju pogona i načina zbrinjavanja svih vrsta otpada koji se ne može više odlagati na deponiji Smiljevići, osobito sa aspekta ujednačenog sastava i količina procjednih voda. Regionalni centar za upravljanje otpadom na KS – Smiljevići, te deponija u sklopu ovog Centra, svoju funkciju i smisao će dobiti tek kada bude radila isključivo na osnovu izdate upotrebne dozvole, a u skladu s tim očekuje se i pravilan rad uređaja za tretman procjednih voda.

Voditelj programa sanacije i revitalizacije
sarajevskog odlagališta kućnog otpada u
sklopu RCUO Smiljevići 2016.-2021.g

Babić Fuad dipl.građ.ing

